

Na osnovu člana 5., 6., 7. i 8. Zakona o slatkovodnom ribarstvu («Službene novine Federacije Bosne i Hercegovine» broj: 64/04), Ministarstvo poljoprivrede, šumarstva i vodoprivrede Tuzlanskog kantona, r a s p i s u j e

KONKURS
za ustupanje na korišćenje ribolovnih područja -
dijelova ribolovnih područja na području Tuzlanskog kantona

I

Raspisuje se Konkurs za ustupanje na korišćenje ribolovnih područja - dijelova ribolovnih područja na području Tuzlanskog kantona, na period od deset /10/ godina.

Konkursom su obuhvaćena sljedeća ribolovna područja odnosno dijelovi ribolovnih područja:

1. Ribolovno područje I

- Treći dio ribolovnog područja I – Kalesija
- Četvrti dio Ribolovnog područja I - Banovići
- Sedmi dio ribolovnog područja I - Gračanica

2. Ribolovno područje II

- Drugi dio ribolovnog područja II - Srebrenik

II

Početna cijena godišnje naknade za korišćenje ribolovnih područja - dijelova ribolovnih područja na području Tuzlanskog kantona, koja se ovim Konkursom dodjeljuju, utvrđena je Odlukom Vlade Tuzlanskog kantona o utvrđivanju visine početnih cijena godišnjih naknada za korišćenje ribolovnih područja, dijelova ribolovnih područja i ribolovnih zona, broj: 02/1-20-1307-1/20 od 04.02.2020. godine, kako slijedi:

Ribolovno područje I:

- Treći dio Ribolovnog područja I – Kalesija..... 350,00 KM
- Četvrti dio Ribolovnog područja I – Banovići 1.050,00 KM
- Sedmi dio Ribolovnog područja I – Gračanica..... 350,00 KM

Ribolovno područje II:

- Drugi dio Ribolovnog područja II – Srebrenik..... 350,00 KM

III

Pravo podnošenja prijave na Konkurs imaju fizička lica, pravna lica registrirana za djelatnost slatkovodnog ribarstva, kao i udruženja građana sportskih ribolovaca, **izuzev fizičkih lica, pravnih lica ili udruženja građana sportskih ribolovaca protiv kojih je, od strane ovog Ministarstva, pokrenut sudski postupak za isplatu duga ili naknadu štete nastale zbog ne**

ispunjavanja ugovora o ustupanju dijela ribolovnog područja ili ribolovne zone, na korišćenje davanjem ribolovnog prava.

Ukoliko su pomenuta lica u međuvremenu ispunila svoje obaveze i imaju dokaze o isplati duga, imaju pravo podnijeti prijavu na Konkurs.

IV

Uz prijavu na Konkurs koja obavezno treba da sadrži sljedeće podatke:

(naziv odnosno ime i prezime podnosioca prijave, sjedište/prebivalište podnosioca prijave, ime i prezime kontakt osobe i broj telefona, ime i prezime odgovornog lica u pravnom licu/udruženju, prijava mora biti svojeručno potpisana od strane podnosioca zahtjeva odnosno ovlaštenog lica u pravnom licu/udruženju i ovjerena pečatom pravnog lica/udruženja, naznaku ribolovnog područja - dijela ribolovnog područja za koju se konkuriše), podnosi se i sljedeća dokumentacija:

1. Dokaz o registraciji kod nadležnog suda (odnosi se na pravna lica), ili kod organa nadležnog za upis u registar udruženja (odnosi se na udruženja građana sportskih ribolovaca) ili rješenje općinskog organa o obavljanju djelatnosti iz oblasti ribarstva (odnosi se na fizička lica),
2. Kopija lične karte i obavijest o prebivalištu (odnosi se na fizička lica),
3. Program gospodarenja ribolovnim područjem - dijelom ribolovnog područja za koje je podnositelj prijave zainteresiran, koji treba da sadrži:
procjenjenu količinu ribe i njihova prirasta u ribolovnom području - dijelu ribolovnog područja,
dozvoljeni godišnji ulov ribe po vrstama i dozvoljeni dnevni ulov ribe,
plan poribljavanja prema količinama i vrstama ribe, te novčana sredstva za realizaciju plana,
mjere i način zaštite ribolovnog područja - dijela ribolovnog područja,
organizaciju rada ribočuvarske službe, te plan uređenja okoliša,
planirane sportsko – ribolovne aktivnosti,
planirana novčana sredstva i namjena korištenja tih sredstava
(Program gospodarenja temeljiti na raspoloživim podacima, te naročitu pažnju obratiti na planirane aktivnosti, mjere i način zaštite i unapređenja i korištenja ribolovnih područja ili zone za period koji je obuhvaćen konkursom 2022/2032)
4. Izjava o broju zaposlenika (odnosi se na pravna lica), odnosno broju članova (odnosi se na udruženja ili organizacije sportskih ribolovaca) **ovjerena** od strane notara ili općinskog/gradskog organa **sa zabilježbom** o tačnosti davanja podataka pod punom materijalnom i krivičnom odgovornošću;
5. **Izveštaj o dosadašnjem radu** koji obuhvata podatke o dosadašnjem organiziranju, sudjelovanju i postignutim rezultatima na sportsko-ribolovnim takmičenjima, promocijama, popularizacijama i edukacijama sportskog i rekreacionog ribolova, i drugim aktivnostima, kao dokaz o referensama iz oblasti slatkovodnog ribarstva;
6. Izveštaj o uložnim sredstvima i poduzetim mjerama na poribljavanju, čuvanju i zaštiti ribljeg fonda (odnosi se na udruženja koja su već koristila dijelove ribolovnih područja);
7. Dokaz o isplati duga (za podnosioca prijave protiv kojih je, od strane ovog Ministarstva, pokrenut sudski postupak za isplatu duga ili naknadu štete nastale zbog ne ispunjavanja ugovora o ustupanju dijela ribolovnog područja ili ribolovne zone, na korišćenje davanjem ribolovnog prava.
8. Izjavu o ponuđenoj visini naknade za korištenje ribolovnog područja, odnosno dijela

ribolovnog područja, koja ne može biti manja od početne cijene naknade za ribolovno područje, odnosno dio ribolovnog područja za koji se konkuriše, utvrđene naprijed navedenom Odlukom Vlade Tuzlanskog kantona.

Komisija za provođenje konkursa za ustupanje na korištenje ribolovnih područja - dijelova ribolovnih područja, koju imenuje Ministar će izvršiti otvaranje prijave na konkurs.

Prilikom vrednovanja prijava podnositelja koji prilože valjanu traženu dokumentaciju, Komisija će koristiti i sljedeće kriterije:

1. Dostavljeni program gospodarenja ribolovnim područjem - dijelom ribolovnog područja, sa potkriterijima:
 - visina sredstava za realizaciju plana poribljavanja ribolovnog područja - dijela ribolovnog područja
 - mjere i način zaštite ribolovnog područja - dijela ribolovnog područja i plan rada na uređenju okoliša
 - uspostavljanje i organizacija rada ribočuvarske službe
 - planirane sportsko ribolovne aktivnosti
2. Visina ponuđene godišnje naknade za ustupljeno ribolovno područje, dio ribolovnog područja
3. Broj članova
4. Referense o dosadašnjem radu u oblasti slatkovodnog ribarstva

Nepotpune i neblagovremene prijave neće biti razmatrane.

Konkurs ostaje otvoren 15 dana od dana objavljivanja u dnevnim novinama „VEČERNJI LIST BH“ Mostar i isti će biti objavljen i na web stranici Vlade Tuzlanskog kantona www.vladatk.gov.ba

Svi podnositelji prijave će biti obaviješteni o rezultatima postupka.

Kontakt osoba državna službenica Sanela Karahasanović Kahrimanović ili državni službenik Muamer Tabučić, tel. 035/369-464

Prijave, sa potrebnom dokumentacijom, u vidu originala ili ovjerene fotokopije u zatvorenoj kovrti, slati na adresu:

**VLADA TUZLANSKOG KANTONA
Ured za zajedničke poslove
Tuzla, Fra Grge Martića 8,
za Ministarstvo poljoprivrede, šumarstva i vodoprivrede Tuzlanskog kantona
sa naznakom: «Konkurs za ustupanje ribolovnih područja
odnosno dijelova ribolovnih područja
- NE OTVARAJ! - Otvara Komisija! -»**